



სსიპ ბათუმის შოთა რუსთაველის
სახელმწიფო უნივერსიტეტი

07 აპრილი, 2025 წ.

აკადემიური საბჭოს
დადგენილება № 06-01/34

ბსუ-ს აუდიტორიისათვის სახელის მინიჭების და ბიუსტის განთავსების წესის
დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის 1-ლი
პუნქტის, ბსუ-ს წესდების მე-8 მუხლის მე-4 პუნქტის საფუძველზე, აკადემიურმა საბჭომ

დაადგინა:

1. დამტკიცდეს „ბსუ-ს აუდიტორიისათვის სახელის მინიჭების და ბიუსტის
განთავსების წესი“ წინამდებარე დადგენილების N1 დანართის შესაბამისად.
2. წინამდებარე დადგენილება განთავსდეს ბსუ-ს ვებგვერდზე.
3. დადგენილება დაეფასოს ბსუ-ს მართვის ორგანოებს, რექტორის მოადგილეებს,
ფაკულტეტებს, იურიდიულ დეპარტამენტს და საინფორმაციო ტექნოლოგიების
სამსახურს.
4. დადგენილება ძალაში შევიდეს 2025 წლის 14 აპრილიდან.
5. დადგენილება შეიძლება გასაჩივრდეს კანონმდებლობით დადგენილ ვადაში და
წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. N30).

აკადემიური საბჭოს თავმჯდომარე,
რექტორი

ტიტე აროშიძე

„ბსუ-ს აუდიტორიისათვის სახელის მინიჭების და ბიუსტის განთავსების წესის
დამტკიცების შესახებ“

ბსუ-ს აკადემიური საბჭოს 2025 წლის 07 აპრილის №06-01/34 დადგენილების

N1 დანართი

ბსუ-ს აუდიტორიისათვის სახელის მინიჭების და ბიუსტის განთავსების წესი

1. წინამდებარე წესი განსაზღვრავს საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდგომში – უნივერსიტეტი ან ბსუ) აუდიტორიისათვის სახელის მინიჭების (შემდგომში - სახელის მინიჭება), ასევე ბიუსტის დამზადებისა და განთავსების რეგულაციას.

2. ბსუ-ს აუდიტორიას შესაძლებელია მიენიჭოს იმ პირის სახელი, რომლის გარდაცვალებიდან გასულია სულ მცირე 10 წელი და აკმაყოფილებს ერთ-ერთ შემდეგ კრიტერიუმს:

ა) ეროვნული ან საერთაშორისო დონეზე აღიარებული, მაღალი სამეცნიერო ავტორიტეტის მქონე მეცნიერი, დარგის/სამეცნიერო სკოლის/მიმდინარეობის ფუძემდებელი საზოგადო მოღვაწე იყო;

ბ) ბათუმის შოთა რუსთაველის სახელმწიფო უნივერსიტეტში, მათ შორის, ამ უნივერსიტეტთან ინტეგრირებულ სამეცნიერო ან/და საგანმანათლებლო დაწესებულებაში აკადემიურ/სამეცნიერო თანამდებობაზე მუშაობის არანაკლებ 40 წლის გამოცდილება ჰქონდა და თავისი საგანმანათლებლო და სამეცნიერო საქმიანობით მნიშვნელოვანი წვლილი შეიტანა ბსუ-ში შესაბამისი დარგის შექმნასა და განვითარებაში ან/და ბსუ-ში ინსტიტუტის/ლაბორატორიის/კლინიკის/ცენტრის დაარსებაში;

გ) ბათუმის შოთა რუსთაველის სახელმწიფო უნივერსიტეტისათვის განახორციელა განსაკუთრებული ქველმოქმედება (დიდი ოდენობით ფულადი თანხის ან/და მატერიალური რესურსის შემოწირულობა).

3. ბსუ-ს შენობაში ან ტერიტორიაზე განსათავსებელი ბიუსტი შესაძლებელია დამზადდეს იმ პირისა, რომლის გარდაცვალებიდან გასულია სულ მცირე 20 წელი და აკმაყოფილებს ერთ-ერთ შემდეგ კრიტერიუმს:

ა) უმაღლესი განათლების, მეცნიერების, კულტურის, ლიტერატურისა და ხელოვნების განვითარების საქმეში თვალსაჩინო წვლილის მქონე ეროვნული ან საერთაშორისო დონეზე აღიარებული პირია;

ბ) თავისი საგანმანათლებლო, სამეცნიერო და საზოგადოებრივი საქმიანობით მნიშვნელოვანი წვლილი შეიტანა ბათუმის შოთა რუსთაველის სახელმწიფო უნივერსიტეტის განვითარებაში, შესაბამისი დარგის შექმნა-განვითარებაში ან/და ბსუ-ში ინსტიტუტის/ლაბორატორიის/კლინიკის/ცენტრის დაარსებაში.

4. ბსუ-ს აუდიტორიისათვის სახელის მინიჭების ან შესაბამისი პირის ბიუსტის დამზადება-განთავსების გადაწყვეტილებას იღებს ბსუ-ს აკადემიური საბჭო, ბსუ-ს ფაკულტეტის საბჭოს, ბსუ-ს დამოუკიდებელი სამეცნიერო-კვლევითი ერთეულის (ინსტიტუტის) სამეცნიერო საბჭოს ან ბსუ-ს რექტორის ინიციატივით.

5. ბსუ-ს აუდიტორიისათვის შესაბამისი პირის სახელის მინიჭების ან ბიუსტის დამზადება-განთავსების ინიციატივა უნდა იყოს დასაბუთებული და სრულად

პასუხობდეს სახელის მინიჭების ან ბიუსტის დამზადების თაობაზე გადაწყვეტილების მისაღებად, წინამდებარე წესით განსაზღვრულ კრიტერიუმებს.

6. ბიუსტის დამზადება-განთავსების საორგანიზაციო გადაწყვეტილებები (მომსახურების/სამუშაოს შესყიდვა, განთავსების ადგილის შერჩევა და სხვა) მიიღება და თანხმდება ბსუ-ს რექტორთან და ადმინისტრაციის ხელმძღვანელთან.